

## GRIFFITH, GEORGE WILLIAM (1584 - 1655?), tir-feddiannwr, cyfreithiwr, ustus heddwch, hynafiaethydd

**Enw:** George William Griffith  
**Dyddiad geni:** 1584  
**Dyddiad marw:** 1655?  
**Priod:** Maud Griffith (née Bowen)  
**Rhiant:** William Griffith  
**Rhyw:** Gwryw  
**Galwedigaeth:** tir-feddiannwr, cyfreithiwr, ustus heddwch, hynafiaethydd  
**Maes gweithgaredd:** Hanes a Diwylliant; Perchnogaeth Tir; Cyfraith; Ysgolheictod ac Ieithoedd  
**Awdur:** Francis Jones

o Benybenglog, Sir Benfro; ganwyd 21 Ebrill 1584, mab hynaf William Griffith. Priododd, 22 Tachwedd 1605, **Maud Bowen** o Lwyngwair, a bu iddynt saith o blant. Penodwyd ef yn ysgrifennydd cyhoeddus yn Sir Benfro gan gyngor y gororau, yr oedd yn ddistain barwniaeth Cemaes, cynorthwyodd **George Owen**, Henllys, gyda'i ymchwiliadau hanesyddol, ac ysgrifennodd lawer o lawysgrifau achau. Croesawodd feirdd Cymru benbaladr i'w blas, ac ef oedd un o'r boneddwyr olaf yn Ne Cymru i noddi beirdd yn ôl yr hen arferiad. Yn ystod y Rhyfel Cartrefol ochrodd gyda Cromwell, ac yr oedd yn aelod o bwyllgorau seneddol. Ymosodwyd ar Benybenglog gan filwyr y brenin, a difrodwyd ei eiddo. Profwyd ei ewyllys yn P.C.C. ar 9 Awst 1655. Claddwyd ef ym Meline.

### Awdur

Major Francis Jones

### Ffynonellau

*Trafodion Anrhydeddus Gymdeithas y Cymmrodorion*, 1938 a 1949

MSS. yn LI.G.C. a'r College of Arms

### Darllen Pellach

Erthygl Wicipedia: [George William Griffith](#)

### Dolenni Ychwanegol

Wikidata: [Q20200832](#)

**Dyddiad cyhoeddi:** 1953

**Hawlfraint Erthygl:** <http://rightsstatements.org/page/InC/1.0/>

PDF Argraffu Cyfeirnod

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

frannu

Arddull APA

x

Jones, F., (1953). GRIFFITH, GEORGE WILLIAM (1584 - 1655?), tir-feddiannwr, cyfreithiwr, ustus heddwch, hynafiaethydd. *Y Bywgraffiadur Cymreig*. Adferwyd 22 Hyd 2024, o <https://bywgraffiadur.cymru/article/c-GRIF-WIL-1584>

Clippwr

LGC  
NLW

LLYFRGEL  
THE NATION



Ysgrifeddiadau  
Llywodraeth Cymru  
Copied by  
Welsh Government